



Bosnia and Herzegovina
Federation of Bosnia and Herzegovina

CANTON SARAJEVO
Headquarters of civil protection

Broj: 08-40-1739-2/21
Sarajevo, 09.11.2021. godine

Na osnovu čl. 108. i 110. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), člana 29. tačka 2) Pravilnika o načinu rada i funkcioniranju štabova i povjerenika civilne zaštite („Službene novine Federacije BiH“, br. 77/06, 5/07 i 32/14) i Odluke Vlade Kantona Sarajevo o proglašenju stanja prirodne nesreće od poplava na području Kantona Sarajevo, broj: 02-04-40698-1/21 od 08.11.2021. godine, Štab civilne zaštite Kantona Sarajevo, donosi

N A R E D B U

1. Naređuje se općinskim štabovima civilne zaštite Stari Grad, Centar i Novo Sarajevo da stave na raspolaganje sve svoje snage i sredstva Štabu civilne zaštite Kantona Sarajevo, koji će se koristiti u poduzimanju mjera i aktivnosti na zaštiti i spašavanju ljudi i materijalnih dobara od poplava na području Kantona Sarajevo.
2. Angažovanje snaga i sredstava općinskih štabova civilne zaštite iz tačke 1. ove Naredbe, vršit će se putem Kantonalnog operativnog centra civilne zaštite, a na osnovu iskazane potrebe koordinatora iz općina na ugroženim područjima.
3. Zadužuju se općinski štabovi civilne zaštite Stari Grad, Centar i Novo Sarajevo da svakodnevno do 18.00 sati dostave Štabu civilne zaštite Kantona Sarajevo detaljan Izvještaj o provedenim aktivnostima iz tačke 2. ove Naredbe, putem Kantonalnog operativnog centra civilne zaštite.
4. Za realizaciju ove Naredbe zadužuju se općinski štabovi civilne zaštite Stari Grad, Centar i Novo Sarajevo, Kantonalni operativni centar civilne zaštite i općine sa ugroženih područja.
5. Ova Naredba stupa na snagu danom donošenja.

KOMANDANT

Enver Hadžiahmetović

Dostavljeno:

- općinskim štabovima civilne zaštite Stari Grad, Centar i Novo Sarajevo,
- općinama sa ugroženih područja,
- Kantonalnom operativnom centru civilne zaštite,
- a/a

